

SCRIPT OF EVENING GOJRI NEWS BULLETIN 12AUG 1700 HRS

ایونینگ گو جری نیو زبلیٹن مو رخہ 12 اگست 2025

HEADLINES

- ۱۔ لیفٹیننٹ گورنر منوج سنہا، وزیر اعلیٰ عمر عبداللہ نے سرینگر مانہہ ترنگا ریلی غی قیادت کی ریلی مانہہ ہزاراں لوکاں نے حُب الوطنی غا جذبہ سنگ شمولیت کی۔
- ۲۔ لیفٹیننٹ گورنر منوج سنہا نے پیڈل فار ایک بھارت شریٹھ بھارت ریلی غا 79 سائیکل سواراں نانہہ مبارک باد دتی تے نوجواناں نانہہ کہیو جے وے جموں کشمیر نانہہ اپنا خواباں غے مطابق بناویں۔
- ۳۔ وزیر اعلیٰ عمر عبداللہ نے تاریخی شالیمار باغ مانہہ بحالی گا کماں بارے جائیزو لیو تے بروقت تکمیل تے ورثہ غا تحفظ ور زور دتو۔
- ۴۔ کٹھوہہ ضلع مانہہ بین العقوامی سرحد ور بی ایس اید غا دستہ نے پاکستانی درانداز نانہہ گولی مار غے زخمی کرن توں بعد گرفتار کیو۔
- ۵۔ ریاسی مانہہ اس سالغی سب تیں زیادہ بارش ریکارڈ کی گئی جس غی وجہ تیں سکول بند کردتا گیا تے جموں صوبہ مانہہ سڑکیں شدید متاثر ہوئی۔

LG CM TIRANGA YATRA

قومی اتحاد غا ایک طاقت ور مظاہرہ مانہہ لیفٹیننٹ گورنر منوج سنہا تے جموں کشمیر غا وزیر اعلیٰ عمر عبداللہ نے سرینگر گا ایس کے آئی سی سی سی مانہہ ترنگا عیلی غی قیادت کی تے ڈل جھیل غے کنڈے توں ترنگا یاترا نانہہ بری چھنڈی دس غے ٹوریو آکاشوانی گا نامہ نگار نے خبر دتی بے جے ہزاراں لوکاں نے اس تقریب مانہہ شرکت کی جھڑی جے بھارت غا فخر تے مشترکہ شناخت غی علامت گا طور ور ترنگا چایو وہ تھو ریلی یوم آزادی توں قبل حب الوطنی تے اتحاد غا جذبہ واسطے اجتماعی عزم غی عکاسی کرے اس موقع ور خطاب کرتا واں لیفٹیننٹ گورنر منوج سنہا نے اس طرح کہیو۔ اس موقع ور گل بات کرتا واں وزیر اعلیٰ عمر عبداللہ نے گُج اس طرح کہیو۔

LG CYCLISTS

لیفٹیننٹ گورنر منوج سنہا نے اج 79 ویں سائیکل سواراں نانہہ مبارک باد پیش کی بے جنہاں نے بی ایس ایف غے زیر اہتمام پیڈل فار ایک بھارت شریٹھ بھارت ریلی مانہہ حسو لیو سائیکل ریلی غو انعقاد 79 ویں یوم آزادی غی تقریبات غا ایک حصہ غا طورور کیو گیو تھو جس مانہہ مشترکہ شناخت تے قومی اتحاد غا جذبہ نانہہ فروغ دیتو گیو تھو اس موقع ور خطاب کرتا واں ایل جی موصوف نے کہیو ے راستہ مانہہ متعدد قسباں تے دیہاتاں توں گزرن آلی ریلی نے نوجوان نسل نانہہ متاثر کیو تے اُنہاں نانہہ مارا بانیاں غا وزن تے بے لوٹ خدمت غا ان غا نظریات غی یاد دوائی بے اُنہاں نے کہیو جے جموں کشمیر غا ہر شہری غو پابند فریقو بے جے وہ اس راستہ ور گامزن وے تے جموں کشمیر نانہہ اپنا خواباں غے مطابق بناوے اس سلسلہ مانہہ گل بات کرتا واں اُنہاں نے گُج اس طرح کہیو۔

HGT KATRA

بر گیہر ترنگا غا ایک حصہ غا طور ور کترا مانہ شری ماتا ویشنو دیوی بنیادی کیمپ مانہ اج ایک متحرک ترنگا ریلی کڈی گئی تقریب مانہ طلباء افسراں تے مقامی لوکاں غی پُر جوش شرک دیکھن مانہ آئی جہیڑی یوم آزادی توں قبل حُب الوطنی غا جذبہ نانہ منارہیا تھا شرکت کرن آلا نے قومی پرچم چاتا واں حُب الوطنی غا نعرہ بلند کرتا واں سڑکاں ور مارچ کیو۔ عہدے داراں نے شہریاں ور زور دتو جے وے اپنا کراں ور آزادی غا جنگجوواں تے قومی اقدارگو احترام کرتا واں ترنگا براویں اس موقع ور خطاب کرتا واں ایس پی کٹڑا چندرن وپن نے گُج اس طرح کہیو۔

CM SHALIMAR

وزیر اعلیٰ عمر عبداللہ نے اج سرینگر غا تاریخی شالیمار باغ مانہ بحالی غا کماں بارے جائیزو لیا بحالی جے ایس ڈبلیو فاؤنڈیشن غا سی ایس آر اقدام غے تحت ک جاری ہے وزیر اعلیٰ نے باغ غا وزٹر غا تحفظ ور زور دیتا وہ عہدے داراں نانہ کم غی بروقت تکمیل داراں نانہ کم غی بروقت تکمیل نانہ نانہ بدن واسطے زائرین غی سہولیات نانہ بہتر بنان ور وی زور دیتو بحالی غو مقصد اس مشہور مقام غی ثقافتی اہمیت غی حفاظت کرنو ہے تے نال ہی اس نانہ مزید رسائی تے دیکھن آلاں واسطے دوستانہ بنانو ہے۔

PAK INTRUDER

کٹھوعہ مانہ بین العقوامی سرحد غے نیرے دراندازی غی کوشش نانہ ناکام بناتا واں ہی ایس ایف غا دستاں غی طرفوں چلائی گئی گولی باری مانہ ایک پاکستانی درانداز نانہ زخمی حالت مانہ گرفتار کرلی وگیو ہے بیرا نگر چوکیاں غے درمیان افراد غا ایک گروپ غی نقل وحم حرکت دیکھی گئی بار بار آگاہ کرن غے باوجود درانداز باز نانہ آیا جس توں بعد بی ایس ایس غا جواناں نے گولی سکو چلانو شروع کردتو جس دوران ایک شخص زخمی ہو گیو جس نانہ بعد مانہ گرفتار کرگے اسپتال منتقل کردتو گیو اس غی پچھان تے درانداز بارے چھان بین جاری ہے تے مزید تفصیلات غی اجیں اڈیک ہے۔

INTERNATIONAL YOUTH DAY

اج عالمی یوم نوجوان تہاڑا غا موقع ور گورنمنٹ ڈگری کالج کشتواڑ مانہ ایچ آئی وی، ایڈز تیں متعلقہ مسائل بارے آگاہی غا موضوع ور مباحثہ تے پوسٹر بنان غو مقابلو کیو گیو۔ اس پروگرام غو مقصد نوجواناں نانہ صحت مند طرز زندگی اپنان تے معاشرہ مانہ مثبت کردار ادا کرن غی ترغیب دینو تھو۔ پروفیسر اسما جاوید نے شرکاء غو خیر مقدم کرتا واں نوجواناں مانہ آگاہی غی اہمیت ور زور دتو۔ طلباء نے اس مانہ جوش و جذبہ تیں حصو لیا تے اپنی تخلیقی صلاحیتاں تے تحقیق غو مظاہرہ کیو۔

WEATHER

بارش ریکارڈ کی گئی ہے جہیڑی mm جموں کشمیر غا ریاسی ضلع مانہ 24 گھنٹاں مانہ 284.5 اس موسم غی سب تیں زیادہ بارش ہے اس وجہ تیں عام زندگی متاثر ہوئی ہے احتیاط غا طور ور سلال ڈیم غا دروازہ کھول غے پانی قابو مانہ چھوڑیو جاریو ہے مٹی کھسکن تے پانی پھر جانگی وجہ تیں کئی اہم سڑک بند ہو گئی ہیں اُنکا پونچھ مانہ ڈپٹی کمشنر اشوق کمار شرما تے ایس

ایس پی شفقت حسین نے صورتحال غو جائزو لیو تے بارش تیں متاثرہ علاقوں گو دورو کیو۔آفات تیں نمڑن آلی ٹیم چوکنی ہیں۔راجوری تے ریاسی مانہہ مسلسل بارش غے باعث تمام سرکاری تے نجی سکول بند رہیا جموں راجوری قومی شاہراہ ایک برا مٹی گا توڈا آن سنگ بند ہو گیو تھو مگر ہُن گڈیاں واسطے کھول دتو گیو ہے بحالی گو کم جاری ہے۔ حکام نے لوکاں تیں گھراں مانہہ رہن غی اپیل کی ہے۔

ANNOUNCEMENT

علاقائی خبراں آلا شعبہ آکاشوانی جموں 14 اگست 2025 نانہہ ویبہاجن ویبھیسیکا سمرتی دیوس گا عنوان نال 25 منٹ غو ایک خصوصی پروگرام تہاڑی 12 بجے نشر کرے غو اس پروگرام مانہہ مارا مہمان ویں غا معروف تاریخ دان ادیب تے سیاسی تجزیہ کار پروفیسر بری اوم ان تیں علاوہ پی ٹی آئی بیورو

چیف انیل بھٹ وی مذکورہ مضمون ور اپنا خیالات سانجا کریں غا اس پروگرام غی میزبانی کریں غا مارا اینکر جگموہن شرما سامعین یوہ پروگرام میڈیم ویو 303 میٹر یعنی 990 کلو ہٹر، ایف ایم 100.3 میگا ہٹز تے ایف ایم 104.5 میگا ہٹز ور سُن سکیں۔

ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی

سی واسطے درخواست منگی گئی ہیں۔مجوزہ پرفارمہ ور عارضی نامہ نگار غی پوسٹ مانہہ دلچسپی رکھن

آلا ایسا اُمیدوار درخواست دے سکیں گا جہیڑا ضلع جموں گا بسنیک ویں تے اُن غی عمر 24 براں تیں براں غے بشکا ر وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا 50 صحافت غا شعبہ

مانہہ ڈگری یا فَر تسلیم شدہ یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔

اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی

ضروری ہے۔عارضی نامہ نگار غی پوسٹ مانہہ دلچسپی رکھن آلا اُمیدوار واسطے لازمی ہے جے ضلع صدر دفتر

جموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست غی بارڈ کاپی

ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات خود آئیندہ ور www.newsonair.gov.in اگست 2025 توڑی دے سکیں۔ اس بارے مزید جانکاری ویب سائٹ 31 دستیاب ہے۔
